

Date – 13/08/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Chief Minister Pu Lalduhoman ruihhlo nghei thei ngang lo pawhin HIV leh zel kai lo tura inven a tul takzet a ti.
- 2. Har Ghar Tiranga pualin Mizoram hmun hrang hrangah Hnam Puanzar ngaihhlut inzirtirna puala hun hman mek a ni.
- 3. Parliament chuan nimin khan Income-Tax Bill,2025 leh Taxation Laws (Amendment) Bill,2025 a pass.
- 4. Sawrkar laipui chuan Pradhan Mantri Awas Yojana-Gramin (PMAY-G) hnuaiah state leh UT ah chenna in vaibelchhe 4.12 sak phalna a pe tawh.

<><><>

INTENSIFIED IEC CAMPAIGN

Chief Minister Pu Lalduhoman ruihhlo nghei thei ngang lo pawhin HIV leh zel kai lo tura inven a tul takzet a ti.

Nimina uar leh zuala HIV laka invenna beihpui thlakna=Intensified IEC Campaign on HIV thawh hnihna leh HIV Test Drive Campaign a hawwnaah he thu hi sawiin Chief Minister chuan, Hmeichhe inzuar dawr lo thei lo te pawhin HIV laka invenna hman zel se a ti a, HIV kai leh kai lo inenna test uar ni se a ti bawk a, mahni dinhmun hriat ran chu mahni tan leh midangte tan a tha a ni, a ti.

Chief Minister chuan Intensified IEC Campaign neihna tur khawtlang hruaitute chu, thawktute lo thawhpui turin a sawm a. YMA hruaitute pawh khawhar inah te, YMA programme-ah te tam zawka lo sawi tura ngenin, he natna a darh chhan ber pahnih - sex leh ruihhlo te hi YMA member-te tih atana mawi lo, Kristian thalaiten an tih ve miah loh tur thil ve ve an ni, a ti.

Mizoram chu HIV/AIDS invên dan hre zau pâwl tak ni a târlan a ni chungin HIV kai an tam viau lawi si avangin Awareness nei tha, zawm tha si lo state angin a lang mek, hei vang hian hmalakna awmze nei, zawm hlawh lehzuah awareness pek dan tur ngaihtuah chhuah a tul a ti bawk.

Health and Family Welfare Minister Pi Lalrinpuii pawhin thusawiin HIV hrik chuan mi nawlpui a luhchilh tawh a ti a, mi nun pel he leh hum sual daite chauh vei tura dah bik a hun tawh loh thu sawiin HIV natna veite chuan mi dangte anga an damchhung hun hahdam tak leh hlîm taka an hman ve theih nan hnualsuat mai lova mi pangngai anga en an mamawh tih a sawi bawk.

Byte of Health Minister.....

He inkhawma Mizoram State Aids Control Society Project Director Dr. Jane R Ralte tarlan danin, kum 1990 atanga 2025 thlengin Mizoramah HIV positive mi 32,994 hmuhchhuah a ni tawh a, kum kalta 2024 April thla atanga kumin June thla inkarah HIV positive mipa 1602 leh hmeichhia 869 hmuhchhuah niin hmeichhe zinga 140 te chu nau pai lai mek an nih thu a sawi bawk.

(Corr)

<><><>

NDMA

Mizorama khuarel chhiatna hrang thlenna hmun te tlawha lo zin mek National Disaster Management Authority (NDMA) official ten vawiin hian Champhai leh Khawzawl District an tlawh ang.

NDMA official te hian nimin khan Aizawl District Disaster Management Authority (DDMA leh Lunglei District hotute an kawm a, NDMA Jt Advisor Dr.SK Jena chuan Chhiatrupna an hmachhawn dan te, a pumpelh tura in inpuahchahna te, chhiatna thleng avanga harsatna a thlen te tiziaawm tura hma lak dan te hriat an duh tih a sawi a, chhiatna thleng chungchang a tul pawimawhte an sawiho a ni.

Disaster Management & Rehabilitation (DM&R) Minister Prof. Lalnilawma pawhin NDMA hotute hi nimin khan a pisa-ah a kawm a ni.

Kan corr report lo ngaithla ang.

VC

*DM&R Minister Prof. Lalnilawma leh NDMA hotute inkawmnaah hian Mizoram chu khuarel chhiatna thlen nasatna hmun a nih anga district tina khuarel chhiatna hrang hrang leimin, tuilian, lirngthing leh adangte thlen theihna enho a ni a. Mizoram chhunga khuarel chhiatna liantham lo thleng tawh hrang hrangte – kum 1992 Hlimen leimin, kum 1995 Siaha leh Lawngtlai-a ruahpui vanawn avanga chhiatna, kum 2013 Laipuitlang leimin, kum 2017 tuilian leh kum 2020-a Champhai-a lirngthingte pawh chipchiar taka enho a ni a. DM&R dept official-te leh NDMA hotute chuan khuarel chhiatna avanga harsatna thleng thei tihziaawm dan leh chhawmdawlna kawnga chak zawka thawhho dan tur hrang hrangte an sawiho a ni.*

(DIPR)

<><><>

**PWD MINISTER**

PWD changtu Minister Pu Vanlalhlana chuan NH 44-A Lengpui atanga New Eden Road paltlangtu kawngpui thawmthatna atana sum ruahman cheng vaibelchhe 48 leh nuai 63 chu sorkar laipuiin a pawmsak a ti.

Minister han a Social media-a a tarlan danin sorkar laipui a Ministry of Road Transport and Highways changtu Union Minister Nitin Gadkari-a hnena thu a thlen angin ministry chuan Mizoram khawthlang lam ram Tripura kalpawhna kawng thawm thatna atan cheng vaibelchhe 48 leh nuai 63 ruahmanna chu a pawmsak a ti a, he kawngpui thawm that tur hi a vai a belkhawmin kilometre 53.3 a thui a ni a, kawngpui siam hna hi hmun nga a then niin he hna then zingah hian Dapchhuah leh Dampui inkar kilometre 20 chu a thui ber a ni.

(CORR)

<><><>

**HAR GHAR TIRANGA**

Har Ghar Tiranga pualin Mizoram hmun hrang hrangah Hnam Puanzar ngaihhlut inzirtirna puala hun hman mek a ni a.

Sawrkar Laipui, Ministry of Culture thuchhuak angin kumin Independence Day wavi 79na puala Har Ghar Tiranga – Hnam puanzar ngaihhlut inzirtirna hun hman a ni a, nimin khan Aizawl ah chuan Art & Culture Department bultumin Vanapa Hall ah hun buatsaih a ni a, he hun hawngtu Art & Culture Minister Pu C. Lalsawivunga chuan thusawiin, India hnam puanzar chuan entirna thûk tak a nei a ni, a ti a. India ram chu khawvel ram dangte nena tehkhin pawha ram lian tak, mihring tamna ber leh a mi chengte pawh tawng hrang leh zia râng hran hran nei ni chung siin India hnam puan zar hnuaiah lungual takin an leng ho a ni, a ti.

Vanapa Hall-a hnam puanzar ngaihhlut inzirtirna hun a tel Lahruaitluanga chuan India ram chu ram ropui tak anih zel a beisei tih a sawi a ni.

Byte of Lalhruaitluanga

Serchhip ah chuan nimin khan Tiranga Yatra neih a ni a. School naupang te, college zirlai te leh mipui mimir thahnem takin kawng an zawh a ni a, Serchhip DC Pisapui Hall kawtah leh I&PR Conference Hall ah te India Independence Day wavi 79na pual Photo Exhibition neih a ni bawk.

Siaha ah chuan Hnam Puanzar Kawng zawh hi nimin khanVaihpi Playground atangin Bazar Traffic Point thleng neih a ni a, mi 700 chuang kal chhuakin hun kharna programme tawi Bazar Traffic Point a neihah District Bawrhsap Pu VL Hruaizela Khiangte kalkhawm mipuite chu India in zalenna a neih hlutzia hre thar turin a fuih a ni.

Saitual District ah pawh nimin vek khan hnam puanzar chawimawina leh a hlutzia inzirtir tharna, Har Ghar Tiranga 2025 campaign pualin zirlai naupang ten kawng an zawh a. Naupangte hi CI kawn, Saitual leh Keifang kawn atang kawng zawh tanin, Keifang Centenary Complex-ah an intawkkhawm a ni.

BJP Mizoram chuan 'HAR GHAR TIRANGA' pualin nimin khan Aizawla War Memorial, Zodin Square-a mi chu tihfai hnatlang neih a ni a, waviin hian India hnam puanzar nen 'Two-Wheeler Rally' nei tura ruahman a ni bawk.

(Desk, Corr & PTC’s)

<><><>

**INTNL YOUTH DAY**

International Youth Day 2025 pualin nimin khan Kolasib ah hun hman a ni a. He hun hi District Hub for Empowerment of Women, Women & Child Development, Kolasib District-te hmalakna a hman ani

International Youth Day ah hian thupui pahnih - 'Artificial Intelligence (AI): Avenue for Boys and Girld participation in Science & technology' leh 'A Comprehensive Sexuality Education and Ending Stigma on menstruation for boys and girls'- tih hmangin Govt. C Zakhuma Higher Secondary School, Kolasib zirlai naupangte hnenah zirtirna pek a ni.

Thupui sawitu Pu Zairemchhunga, Bahzar Weekly Editor leh Kolasib District MJA Secretary ni bawk chuan, thiamna bik nei lote tana Artificial Intelligence hmanga Science leh Technology kalkawng zawh theih a nih dan sawiin, kum 2050-a khawvel puma hnathawktu zaa 90 ni tawh tur tuna thalai ni mekte chu Artificial Intelligence (AI) hman thiam tura inzir a ngaih thu a sawi a. Pi Mary Lalţanpuii, Nursing Officer chuan, thalaiten mipat hmeichhiatna leh chi inthlahna kawnga kawng dik an zawh theihna tur zirtirna a pe bawk a ni.

(Andrew Kolasib PTC)

<><><>

**AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Vawiin chawhnu dar 2 leh a chanve-ah Chanchinthar puan leh a ni ang.

<><><>

INCOME TAX

Parliament chuan nimin khan Income-Tax Bill,2025 leh Taxation Laws (Amendment) Bill,2025 a pass. Lok Sabha in heng bill te hi alo pass tawh a. Nimin khan Rajya Sabha-ah sawiho anih hnuah pass turin Lok Sabha-ah thawn let leh a ni a. Union Finance Minister Nirmala Sitharamani chuan Income Tax dan thar chuan kum 1961 Act a thlak dawn tih sawiin ramchhunga sum leh pai chetvelnaah bung thar kaina tur a ni a ti. Hetihlai hian Bill sawiho laiin Opposition Member te chu house atangin an chhuak tau a ni.

Parliament chuan National Sports Governance Bill,2025 leh National Anti-Doping (Amendment) Bill,2025 a pass bawk a ni.

(Newsonair)

<><><>

PMAY-G

Sawrkar laipui chuan Pradhan Mantri Awas Yojana-Gramin (PMAY-G) hnuaiah state leh UT ah chenna in vaibelchhe 4.12 sak phalna a pe tawh. Nimina Lok Sabha zawhna leh chhanna hunah Union Minister of State for Rural Development Chandra Shekhar Pemmasani chuan zawh belhna chhangin he thu hi a sawi a. Tun dinhmunah chenna in vaibelchhe hnih leh nuai 90 chu sak zawh tawh anih thu a sawi a ni.

(Newsonair)

<><><>

SCIENCE

International Olympiad on Astronomy and Astrophysics vawi 18-na chu nimin khan Mumbai ah tan a ni. He intawhkhawm ni 10 chhung awh turah hian ram 64 atangin zirlai 300 dawn an tel a ni.

Prime Minister Narendra Modia chuan video hmanga a thuchahah science thiamna lam chu India chuan a ngai pawimawh hle tih sawiin thalai mithiamte chher kawngah theihtawp a chhuah thu a sawi a ni.

(Newsonair)

<><><>